

四庫全書

集部

欽定四庫全書

集部

御定全唐詩卷三百

九十至
九十二

詳校官庶吉士臣胡鉉

主事銜臣徐以坤覆勘

總校官知縣臣楊懋珩

校對官學正臣李巖

謄錄監生臣李維翰

欽定四庫全書

御定全唐詩卷三百九十

李賀

李賀字長吉系出鄭王後七歲能辭章韓愈皇甫湜始聞未信過其家使賀賦詩援筆輒就自目曰高軒過二人大驚自是有名賀每旦日出騎弱馬從小奚奴背古錦囊遇所得書投囊中及暮歸足成之率為常以父名晉肅不肖舉進士詩尚奇詭絕去畦徑當時無能效者

樂府數十篇雲韶諸工皆合之弦管仕為協律郎卒年二十七詩四卷外集一卷今編詩五卷

李憑箏篋引

吳絲蜀桐張高秋空白

一作山

凝雲顏不流江娥啼竹素

女愁李憑中國彈箏篋崑山玉碎鳳皇叫芙蓉泣露香

蘭笑十二門前融冷光二十三絲動紫皇女媧鍊石補

天處石破天驚逗秋雨夢入坤

一作神

山教神嫗老魚跳

波瘦蛟舞吳質不眠倚桂樹露脚斜飛溼寒兔

殘絲曲

垂楊葉老鶯哺兒殘絲欲斷黃蜂歸綠鬢年少

一作金

釵客縹粉壺中沈琥珀花臺欲暮春辭去落花起作迴
風舞榆英相催不知數沈郎青錢夾城路

還自會稽歌

并序

庾肩吾於梁時嘗作宮體謠引以應和皇子及國

世

一作勢

淪敗肩吾先潛難會稽後始還家僕意其

必有遺文今無得焉故作還自會稽歌以補其悲

野粉椒壁黃溼瑩

一作瑩

滿梁殿臺城應教人秋衾夢銅

輦吳霜點歸鬢身與塘蒲晚脈脈辭金魚羈臣守述賤

出城寄權璩楊敬之

草暖雲昏萬里春宮花拂面送行人自言漢劍當飛去
何事還車載病身

示弟

別弟三年後還家

一作十

日餘醲醑今夕酒絳帙去時

書病骨猶

一作獨

能在人間底事無何須問牛馬拋擲任

臯盧

竹

入水文光動抽空綠影春露華生

一作垂

筍逕苔色拂霜

根纖可承香汗裁堪釣錦鱗三梁曾入用一節奉王孫

同沈駙馬賦得御溝水

入苑白泱泱宮人正壓黃遶堤龍骨冷拂岸鴨頭香別

館驚殘夢停杯泛小觴幸因流浪處暫得見何郎

始為奉禮憶昌谷山居

掃斷馬蹄痕，衙廻自閉門。
長鎗江米熟，小樹棗花春。
向壁懸如意，當簾閱角巾。
犬書曾去洛，鶴病悔遊秦。
土甑封茶葉，山盃鎖竹根。
不知船上月，誰擢滿溪雲。

七夕

別浦今朝暗，羅帷午夜愁。
鵲辭穿線月，花入曝衣樓。
天上分金鏡，人間望玉鉤。
錢塘蘇小小，更一作又值一年秋。

過華清宮

春月夜啼鴉，宮簾隔御花。
雲生朱絡暗，石斷紫錢斜。
玉

梳盛殘露銀燈點舊紗蜀王無近信泉上有芹芽

送沈亞之歌

并序

文人沈亞之元和七年以書不中第返歸于吳江
吾悲其行無錢酒以勞又感沈之勤請乃歌一解
以勞之

吳興才人怨春風桃花滿陌千里紅紫絲竹斷驄馬小
家住錢塘東復東白藤交穿織書笈短策齊裁如梵夾
雄光寶礦獻春卿烟底鶯波乘一葉春卿拾材白日下

擲置黃金解龍馬携笈歸江

一作家

重入門勞勞誰是憐

君者吾聞壯夫重心骨古人三走無摧捽請君待旦事
長鞭他日還轅及秋律

詠懷二首

長卿懷茂陵綠草垂石井彈琴看文君春風吹鬢影梁
王與武帝棄之如斷梗惟留一簡書金泥泰山頂

日夕著

一作看

書罷驚霜落素絲鏡中聊自笑詎是南山

期頭上無幅巾苦藥已染衣不見清溪雨飲水得自

一作

相宜

追和柳惲

汀州白蘋草柳惲乘馬歸江頭

檻一作

樹香岸上蝴蝶

飛酒盃箸葉露玉軫蜀桐虛朱樓通水陌沙暖一雙魚

春坊正字劔子歌

先輩匣中三尺水曾入吳潭斬龍子
隙月斜明刮露寒
練帶平鋪吹不起蛟胎皮老瘳
刺鷗鵝萍花白鵬尾
直是荆軻一片心莫教照見春坊字
按絲團金懸麗屐

神光欲截藍田玉，提出西方白帝驚。嗷嗷鬼母秋郊哭。

貴公子夜闌曲

裊裊沈水烟，烏啼夜闌景。曲沼芙蓉波，腰圍白玉冷。

雁門太守行

幽閒鼓吹云：賀以詩歌謁韓愈，時愈送客歸極困，解帶讀之首篇，乃

雁門太守行，即東帶見之。

黑雲壓城城欲摧，甲光向日

一作月

金鱗開。角聲滿天秋

色裏塞上

一作土

燕脂凝夜紫。半卷紅旗臨易水，霜動鼓

寒聲

一作聲寒

不起報君黃金臺上意，提携玉龍為君死。

大堤曲

妾家住橫塘紅紗滿桂香青雲教綰頭上髻明月與作
耳邊璫蓮風起江畔春大堤上留北人郎食鯉魚尾妾
食猩猩脣莫指襄陽道綠浦歸帆少今日菖蒲花明朝
楓樹老

蜀國弦

楓香晚花靜錦水南山影驚石墜猿哀竹一作雲愁半
嶺涼月生秋浦玉沙粼粼一作鱗鱗光誰家紅淚客不忍過

瞿塘

蘇小小墓

一作歌

幽蘭露如啼眼無物結同心
烟花不堪剪草如茵松如
蓋風為裳水為珮油壁車夕
一作久相待冷翠燭勞光彩
西陵下風吹雨

夢天

老兔寒蟾泣天色雲樓半開壁斜白
玉輪輒露溼團光
鸞佩相逢桂香陌黃塵清水三山下
更變千年如走馬

遙望齊州九點烟一泓海水杯中瀉

唐兒歌

杜幽公之子

頭玉硤硤眉刷翠杜郎生得真男子骨重神寒天廟器

一雙瞳人剪秋水竹馬稍稍搖綠尾銀鸞音閃光踏半

臂東家嬌娘求對值濃笑畫

一作書

空作唐字眼大心雄

知所以莫忘作歌人姓李

綠章封事

為吳道士夜醮作

青霓

一作貌

扣額呼宮神鴻龍玉狗開天門石榴花發滿

溪津溪

一作漢

女洗花染白雲綠章封事詔元父六街馬

蹄浩無主虛空風氣不清冷短衣小冠作塵土金家香

街同巷千輪鳴揚雄秋室無俗聲願携漢戟招書鬼休令

恨骨填蒿里

河南府試十二月樂詞

并閏月

正月

上樓迎春新春歸

一作正月上樓迎春歸一本無正月

暗黃著柳宮漏遲

薄薄淡靄弄野姿寒綠幽風

一作泥

生短絲錦牀曉卧玉

肌冷露臉未開對朝暝官街柳帶不堪折早晚菖蒲勝
綰結

二月

二月

一本無二月二字

飲酒採桑津宜男草生蘭笑人蒲如交

劍

一作刀

風如薰勞勞胡

一作鷺

燕怨酣春薇帳逗烟生綠

塵

一作香霧昏

金翹峨

一作蛾

髻愁暮雲香颯起舞真珠裙津

頭送別唱流水酒客背寒南山死

三月

東方風來滿眼春花城柳暗

一作禁

愁殺一作幾

人複宮深

殿竹風起新翠舞衿淨

一作襟靜

如水光風轉蕙百餘里暖

霧驅雲撲天地軍裝宮妓掃蛾淺搖搖錦旗夾城暖曲

水漂香去不歸梨花落盡成秋

一作愁苑

四月

曉涼暮涼樹如蓋千山濃綠生雲外依微香雨青氛氲

一作過青氛

膩葉蟠花照曲門金塘閒水搖碧漪老景沈重

一作帖

無驚飛墮紅殘萼暗參差

五月

雕玉押簾額

一作上

輕縠籠虛門井汲鉛華水扇織鴛鴦

紋

一作文

迴雪舞涼殿甘露洗空綠羅袖

一作綬

從迴

一作風

翔香汗沾寶粟

六月

裁生羅伐湘竹帔

一本無帔字

拂疎霜簟秋玉炎炎紅鏡東

方開暈如車輪上裊回啾啾赤帝騎龍來

七月

星依雲渚冷露滴盤中圓好花生木末衰蕙愁空一作故

園夜天如玉砌池葉極青錢僅厭舞衫薄稍知花簾寒
曉風何拂拂北斗光闌干

八月

嬌一作宮妾怨夜長獨客夢歸家傍簷蟲織一作織絲向壁

燈垂花簾外月光吐簾內一作中樹影斜悠悠飛露安點

綴池中荷

九月

離宮散螢

一作雲

天似水竹黃池冷芙蓉死月綴金鋪光

脈脈涼苑虛庭空澹白露

一作霜

花飛飛風草草翠錦襴

斑滿層道難人罷唱曉瓏璵鴉啼金井下疎桐

十月

玉壺銀箭稍難傾釭花夜笑凝幽明碎霜斜舞上羅幕

燭龍兩行照飛閣珠帷怨卧不成眠金鳳刺

音戚

衣著體

寒長眉對月鬬彎環

十一月

宮城團迴凜嚴光白天碎碎墮瓊芳撾鍾高飲千日酒

却天

一作戰却

凝寒作君壽御溝泉

一作冰

合如環素火井溫

泉

一作水

在何處

十二月

日脚淡光紅灑灑薄霜不銷桂枝下依稀和氣排

一作解

冬嚴已就長日辭長夜

閏月

帝重光年

一作午

重時七十二候迴環推天官玉琯灰刺

飛今歲何長來歲遲王母移桃獻天子羲氏和氏迂龍
轡

天上謠

天河夜轉漂迴星銀浦流雲學冰聲玉宮桂樹花未落
仙妾採香垂珮纓秦妃卷簾北窗曉窗前植桐青鳳小
王子吹笙鸞管長呼龍耕烟種瑤草粉霞紅綬藕絲裙
青洲步拾蘭苔春東指羲和能走馬海塵新生石山下

浩歌

南風吹山作平地帝遣天吳移海水王母桃花千遍紅
彭祖巫咸幾回死青毛驄馬參差錢嬌春楊柳含細烟
箏人勸我金屈卮神血未凝身問誰不須浪飲一作亂舞丁
都護世上英雄本無主買絲繡作平原君有酒惟澆趙
州土漏催水咽玉蟾蜍衛娘髮薄不勝梳看一作羞見秋
眉換新一作深綠二十男兒那刺促

秋來

桐風驚心壯士苦衰燈絡緯啼寒素誰看青簡一編書

不遣花蟲粉空蠹思牽今夜腸應直雨冷香魂弔書客
秋墳鬼唱鮑家詩恨血千年土中碧

帝子歌

洞庭明月

一作帝子

一千里涼風雁啼天在水九節菖蒲石

上死湘神彈琴迎帝子山頭老桂吹古香雌龍怨吟寒
水光沙浦走魚白石郎閒取真珠擲龍堂

秦王飲酒

秦王騎虎遊八極劍光照空天自碧羲和敲日玻璃聲

劫灰飛盡古今平
龍頭瀉酒邀酒星
金槽琵琶夜枳枳
洞庭雨脚來吹笙
酒酣喝月使倒行
銀雲櫺櫺瑤殿明
宮門掌事報一更
花樓玉鳳聲嬌寧
海綃紅文香淺清
黃鸞跌舞千年觥
仙人燭樹蠟烟輕
清琴醉眼淚泓泓

洛姝真珠

真珠小娘下清

一作青

廓洛苑香風飛綽綽
寒鬢斜釵玉

燕光高樓唱月敲懸璫
蘭風桂露灑幽翠
紅弦裏雲咽
深思花袍白馬不歸來
濃蛾疊柳香脣醉
金鸞屏風蜀

山夢鸞裾鳳帶行烟重八驄籠見臉差移日絲繁散曛
羅洞市南曲陌無秋涼楚腰衛鬢四時芳玉喉窸窣排
空光牽雲曳雪留陸郎

李夫人歌

一本無
歌字

紫皇宮殿重重開夫人飛入瓊瑤臺綠香繡帳何時歇
青雲無光宮水咽翩聯一作
翩桂花墜秋月孤鸞驚啼商

絲發紅壁闌珊懸珮璫歌臺小妓一作
柏遙相望玉蟾滴

水雞人唱露華蘭葉參差光

走馬引

我有辭鄉劍玉鋒堪截雲襄陽

一作長安

走馬客

一作使

意氣

自生春朝嫌劍花

一作光

淨暮嫌劍光冷能持劍向人不

解持照身

一作解持照身影

湘妃

筠竹千年老不死長伴秦

一作神

娥蓋湘水蠻娘吟弄滿

寒空九山靜綠淚花紅離鸞別鳳煙梧中巫雲蜀雨遙

相通幽愁秋氣上青楓

一作清峰

涼夜波間吟古龍

南園十三首

花枝草蔓眼中開
小白長紅越女腮
可憐日暮媽香落
嫁與春風不用媒

宮北田塍曉氣酣
黃桑飲露窳宮簾
長腰健婦偷攀折
將餽吳王八蠶蠶

竹裏繚絲挑網車
青蟬獨噪日光斜
桃膠迎夏香琥珀
自課越傭能種瓜

三十未有一

一作滿

二十餘
白日長飢小甲蔬
橋頭長老相

哀念因遺戎韜一卷書

男兒何不帶吳鉤

一作橫刀

收取關山五十州請君暫上凌

烟閣若箇書生萬戶侯

尋章摘句老雕蟲曉月當簾挂玉弓不見年年遼海上
文章何處哭秋風

長卿牢落悲空舍曼倩訴諧取自容見買若耶溪水劍
明朝歸去事援公

春水初生乳燕飛黃蜂小尾撲花歸窗含遠色通書幌

魚擁香鉤近石磯

泉沙奕卧鴛鴦暖曲岸迴篙舴艋遲瀉酒木欄椒葉蓋
病容扶起種菱絲

邊讓今朝憶蔡邕無心裁曲卧春風舍南有竹堪書字
老去溪頭作釣翁

長巒谷口倚嵇家白晝千峰老翠華自履藤鞋收石竈
手牽苔絮長純花

松溪黑水新龍卵桂洞生硝舊馬牙誰遣

一作為虞卿又作道

裁道帔輕綃一疋染朝霞

小樹開朝廷長茸溼夜烟柳花驚雪浦麥雨漲溪田古
剝疎鐘度遙嵐破月懸沙頭敲石火燒燭照漁船

御定全唐詩卷三百九十

欽定四庫全書

御定全唐詩卷三百九十一

李賀

金銅仙人辭漢歌

并序

魏明帝青龍元年八月詔宮官牽車西取漢孝武
捧露盤仙人欲立置前殿宮官既拆盤仙人臨載
乃潸然淚下唐諸王孫李長吉遂作金銅仙人辭
漢歌

茂陵劉郎秋風客夜聞馬嘶曉無跡畫欄桂樹懸秋香
三十六宮土花碧魏官牽車指千里東關酸風射眸子
空將漢月出宮門憶君清淚如鉛水衰蘭送客咸陽道
天若有情天亦老携盤獨出月荒涼渭城已遠波聲小
古悠悠行

白景歸西山碧華上迢迢今古何處盡千歲隨風颺海
沙變成石魚沫吹秦橋空光遠流浪銅柱從年消

黃頭郎

黃頭郎撈攏去不歸南浦芙蓉影愁紅獨自垂水弄湘
娥珮竹啼山露月玉瑟調青門石雲溼黃葛沙上薜蘿
花秋風已先發好持一作待掃羅薦香出鴛鴦一作籠熱

馬詩二十三首

龍脊貼連錢銀蹄白踏烟無人織錦韉誰為鑄金鞭
臘月草根甜天街雪似鹽未知口硬軟先擬蒺藜街

忽憶周天子驅車上玉山鳴騶辭鳳苑赤驥最承恩

此馬非凡馬房星本是星

一作精

向前敲瘦骨猶自帶銅

聲

大漠山

一作沙

如雪燕山月似鉤何當金絡腦快走踏清

秋

飢卧骨查牙麤毛刺破花鬣焦朱色落髮斷鋸長麻

西母酒將闌東王飯已乾君王若燕去誰為拽車轅

赤兔無人用當須呂布騎吾聞果下馬羈策任蠻兒

颺叔去

一作死

怱怱如今不羨龍夜來霜壓棧駿骨折西

風

催榜渡烏江

一作江東

神騅泣向風君

一作吾

王今解劒何處

逐英雄

內馬賜宮人銀韉刺騏驎
午時鹽坂上蹭蹬溘風塵

批竹初攢耳桃花未上身
他時須攬陣牽去借將軍

寶玦誰家子長聞俠骨香
堆金買駿骨將送楚襄王

香襍赭羅新盤龍蹙鎧鱗
迴看南陌上誰道不逢春

不從桓公獵何能伏虎威
一朝溝隴出看取拂雲飛

唐劒斬隋公拳毛屬太宗
莫嫌金甲重且去捉颯

一作颯一

作風

白鐵剉青禾碓間落細莎世人憐小頸金埒畏長牙
伯樂向前看旋毛在腹間祇今培白草何日驀青山
蕭寺馱經馬元從竺國來空知有善相不解走章臺
重圍如燕尾寶劍似魚腸欲求千里脚先采眼中光
暫繫騰黃馬仙人上綵樓須鞭玉勒吏何事謫高州
汗血到王家隨鸞撼玉珂少君騎海上人見是青騾
武帝愛神仙燒金得紫烟殿中皆肉馬不解上青天

申胡子感策歌并序

申胡子朔客之蒼頭也朔客李氏本亦世家子得
祀江夏王廟當年踐履失序遂奉官北郡自稱學
長調短調久未知名今年四月吾與對舍於長安
崇義里遂將衣質酒命予合飲氣熱杯闌因謂吾
曰李長吉爾徒能長調不能作五字歌詩直強廻
筆端與陶謝詩勢相遠幾里吾對後請撰申胡子
感策歌以五字斷句歌成左右人合噪相唱朔客

大喜擎觴起立命花娘出幕裴回拜客吾問所宜
稱善平弄於是以弊辭配聲與予為壽

顏熱感君酒含嚼盧中聲花娘夢綏安休睡芙蓉屏誰
截太平管列點排空星直貫開花風天上驅雲行今夕
歲華落令人惜平生心事如波濤中坐時時驚朔客騎
白馬劍弢懸蘭纓俊健如生孫肩拾蓬中螢

老夫採玉歌

採玉採玉須水碧琢作步搖徒好色老夫飢寒龍為愁

藍溪水氣無清
白夜雨岡頭食
蓊子杜鵑口血
老夫淚
藍溪之水厭生
人身死千年恨
溪水斜山柏風
雨如嘯
泉脚挂繩青裏
裏村寒白屋念
嬌嬰古臺石磴
懸腸草

傷心行

咽咽學楚吟
病骨傷幽素
秋姿白髮生
木葉啼風雨
燈
青蘭膏歇落
照飛蛾舞古
壁生凝塵
羈魂夢中語

湖中曲

長眉越沙採
蘭若桂葉水
藻春漠漠
橫船一作倚
醉眠白

畫閒渡口梅風歌扇薄燕釵玉股照青渠越王嬌郎小
字書蜀紙封巾報雲鬢晚漏壺中

一作水淋盡
銅壺

黃家洞

雀步蹙沙聲促促四尺角弓青石鏃黑幡三點銅鼓鳴
高作猿啼搖箭服綠巾纏跨幅半斜溪頭簇隊映葛花
山潭晚霧吟白鼉竹蛇飛蠹射金沙閒驅竹馬緩歸家
官軍自殺容州槎

屏風曲

蝶棲石竹銀交關水凝綠鳴瑠璃錢團迴六曲抱膏蘭
將鬟鏡上擲金蟬沈香火暖茱萸烟酒醺一作餘綰帶新
承懽月風吹露屏外寒城上烏啼楚女眠

南山田中行

秋野明秋風白塘水漻漻蟲嘖嘖雲根苔蘚山上石冷
紅泣露嬌啼色荒畦九月稻叉牙蟄螢低飛隴逕斜石
脈水流泉滴沙鬼燈如漆點一作照松花

貴主征行樂

奚騎一作妓

黃銅連鎖甲羅旗香榦金畫葉中軍留醉河

陽城嬌嘶紫燕踏花行春營騎將如紅玉走馬捎鞭上

空綠女垣素月角吽吽牙帳未開分錦衣

酒罷張大徹索贈詩

時張初
効潞幕

長鬣張郎三十八天遣裁詩花作骨往還誰是龍頭人

公主遣秉魚須笏太行

一作水荇

青草上白衫匣中章奏密

如蠶金門石閣知卿有豸角雞香早晚含隴西長吉摧

頽客酒闌感覺中區窄葛衣斷碎趙城秋吟詩一夜東

方白

羅浮山父

一作人

與葛篇

依依宜織江雨空雨中六月蘭臺風博羅老仙時出洞

千歲石牀啼鬼工蛇毒濃凝

一作毒蛇濃吁

洞堂溼江魚不食

銜沙立欲剪霜

一作湘

中一尺天吳娥莫道吳刀澀

仁和里雜叙皇甫湜

湜新尉陸渾

大人乞馬癯乃寒宗人貸宅荒厥垣橫庭鼠徑空土澀
出籬大棗垂朱殘安定美人截黃綬脫落纓裾暝朝酒

還家白筆未上頭使我清聲落人後枉辱稱知犯君眼
排引纔陞強絀斷洛風送馬入長關闔扇未開逢猱犬
那知堅一作豎都相草草客枕幽單看春老歸來骨薄面
無膏瘦氣衝頭鬢莖少欲雕小說干天官宗孫不調為
誰憐明朝下元復西道崆峒叙別長如天

宮娃歌

蠟光高懸照紗空花房夜擣紅守宮象口吹香氎毼暖
七星挂城聞漏板寒入罌恩殿影昏彩鸞簾額著霜痕

啼蛄弔月鉤欄下屈膝銅鋪鎖阿甄夢入家門上沙渚
天河落處長洲路願君光明如太陽放妾騎魚撇波去

堂堂

堂堂復堂堂紅脫梅灰香十年粉蠹生畫梁飢蟲不食

推一作堆黃蕙花已老桃葉長禁院懸簾隔御光華清

源中礬石湯襄回白鳳隨君王

勉愛行二首送小季之廬山

洛郊無俎豆弊廩慙老馬小雁過鑪峰影落楚水下長

船倚雲泊石鏡秋涼夜豈解有鄉情弄月聊鳴啞

別柳當馬頭官槐如兔目欲將千里別持我一作此易斗

粟南雲北雲空脈斷靈臺經絡懸春綫青軒樹轉月滿

牀下國飢兒夢中見維爾之昆二十餘年來持鏡頗有

鬚辭家三載今如此索米王門一事無荒溝古水光如

刀庭南拱柳生蟻螯江干幼客真可念郊原晚吹悲號

號

致酒行

零落棲遲一杯酒主人奉觴客長壽主父西遊困不歸
家人折斷門前柳吾聞馬周昔作新豐客天荒地老無
人識空將牋上兩行書直犯龍顏請恩澤我有迷魂招
不得雄雞一聲天下白少年心事當拏雲誰念幽寒坐
鳴呃

長歌續短歌

長歌破衣襟短歌斷白髮秦王不可見旦夕成內熱渴
飲壺中酒飢拔隴頭粟淒淒一作涼四月闌千里一時綠

夜峰何離離明月落石底
裴回沿石尋照出高峰外
不得與之遊歌成鬢先改

公莫舞歌

并序

公莫舞歌者詠項伯翼蔽劉沛公也會中壯士灼
灼於人故無復書且南北樂府率有歌引賀陋諸
家今重作公莫舞歌云

方花古

一作石

礎排九楹刺豹淋血盛銀鬕華

一作軍

筵鼓

吹無桐竹長刀直立割鳴箏橫楣麕錦生紅緯日炙錦

媽王未醉腰下三看寶玦光
項莊掉劍欄前起材官小
臣公莫舞座上真人赤龍子
芒碭雲瑞抱天迴咸陽王
氣清如水鐵樞鐵鍵重東關
大旗五丈撞雙鑼漢王今
日頌一作須秦印絕臚剗腸臣不論

昌谷北園新笋四首

籜落長竿削玉開
君看母笋是龍材
更容一夜抽千尺
別却池園數寸泥

斫取青光寫楚辭
膩香春粉黑離離
無情有恨何人見

露壓烟啼千萬枝

家泉石眼兩三莖曉看陰根紫脈

一作陌

生今年水曲春

沙上笛管新篁拔玉青

古竹老梢惹碧雲茂陵歸卧歎清貧
風吹千畝迎雨嘯
鳥重一枝入酒尊

惱公

宋玉愁空斷嬌饒粉自紅歌聲春草露
門掩杏花叢注
口櫻桃小添眉桂葉濃曉奩妝秀壓
夜帳減香筒細鏡

飛孤鵲江圖畫水滄陂陀梳碧玉鳳腰裏帶金蟲杜若含
清露河蒲聚紫茸月分蛾黛破花合靨朱融髮重疑盤
霧腰輕乍倚風密書題豈寇隱語笑芙蓉莫鎖茱萸匣
休開翡翠籠弄珠驚漢燕燒蜜引胡蜂醉顚拋紅網單
羅挂綠蒙數錢教姹女買藥問巴賁勻臉安斜雁移燈
想夢能腸攢非束竹弦急是張弓晚樹迷新蝶殘蛺蝶憶
斷虹古時填渤海今日鑿崆峒繡脊褰長幔羅裙結短
封心搖如舞鶴骨出似飛龍井檻淋清漆門鋪綴白銅

隈花開兔徑向壁印孤蹤玳瑁釘簾薄琉璃疊扇烘象

牀緣素柏瑤席卷香蔥細管吟朝幌芳醪落夜楓宜男

生楚巷梔子發金墉龜甲開屏澀鷺毛滲

一作澡

墨濃黃

庭留衛瓘綠樹養韓馮雞唱星懸柳鷓啼露滴桐黃娥

初出座寵妹始相從蠟淚垂蘭燼秋蕪掃綺櫳吹笙翻

舊引沽酒待新豐短珮愁填粟長弦怨削菰曲池眠乳

鴨小閣睡娃僮褥縫蓼雙綫鉤緇緝五總蜀煙飛重錦

峽雨濺輕容拂鏡羞溫嶠薰衣避賈充魚生玉藕下人

在石蓮中含水彎蛾翠登樓濕馬鬣使君居曲陌園令
住臨邛桂火流蘇暖金爐細炷通春遲王子態鶯囀謝
娘慵玉漏三星曙銅街五馬逢犀株防膽怯銀液鎮心
忪跳脫看年命琵琶道吉凶王時應七夕夫位在三宮
無力塗雲母多方帶藥翁符因青鳥送囊用絳紗縫漢
苑尋官柳河橋闕禁鐘月明中婦覺應笑畫堂空

感諷五首

合浦無明珠龍洲無木奴足知造化力不給使君須越

婦未織作吳蠶始蠕蠕縣官騎馬來獐色虬紫鬚懷中
一方板板上數行書不因使君怒焉得詣爾廬越婦拜
縣官桑牙今尚小會待春日晏絲車方擲掉越婦通言
語小姑具黃梁縣官踏食去簿吏復登堂

奇俊無少年日車何躡躡我待紆雙綬遺我星星髮都
門賈生墓青蠅久斷絕寒食搖揚天憤景長肅殺皇漢
十二帝唯帝稱睿哲一夕信豎兒

一作反信
豎兒言

文明永淪

歇

南山何其悲鬼雨灑空草長安夜半秋風前幾人

一作剪春

姿老低迷黃昏徑裏裏青櫟道月午樹無影一山唯白

曉漆炬迎新人幽壙螢擾擾

星盡四方高萬物知天曙已生須已養荷擔出門去君

平久不反康伯循

一作遁

國路曉思何說說闌闌千人語

石根秋水明石畔秋草瘦侵衣野竹香蟄蟄垂葉厚岑

中月歸來蟾光挂空

一作雲

秀桂

一作秋

露對仙娥星星下

雲逗淒涼梔子落山豐泣清漏下有張仲蔚披書案將

朽

三月過行宮

渠水紅蘼擁御牆
風嬌小葉學娥妝
垂簾幾度青春老
堪鎖千年白日長

御定全唐詩卷三百九十一

欽定四庫全書

御定全唐詩卷三百九十二

李賀

追和何謝銅雀妓

佳人一壺酒秋容滿千里石馬卧新烟憂來何所似歌聲且潛弄陵樹風自起長裾壓高臺淚眼看花机同凡

送秦光祿北征

北虜膠堪折秋沙亂曉鬢胡頻犯塞驕氣似橫霓潮

水樓船渡營門細柳開將軍馳白馬豪彥騁雄材箭射
櫓槍落旗懸日月低榆稀山易見甲重馬頻嘶天遠星
光沒沙平草葉齊風吹雲路火雪汙玉關泥屢斷呼韓

頸曾然董卓臍太常猶舊寵光祿是新躋

一作階

寶玦麒麟

麟起銀壺狻猊啼桃花連馬發綵絮撲鞍來呵臂懸金
斗當肩注玉壘清蘇和碎蟻紫膩卷浮杯虎韞先蒙馬
魚腸且斷犀趨趨西旅狗威額北方奚守帳然香暮看
鷹永夜棲黃龍就別鏡青塚念陽臺周處長橋役侯調

短弄哀錢塘，階鳳羽正室。
擘鸞釵，內子攀琪樹。
羌兒奏落梅，今朝擊劍去。
何日刺蛟迴。

酬荅二首

金魚公子夾衫長，密裝腰鞵割玉方。
行處春風隨馬尾，柳花偏打內家香。

雍州二月梅一作海池春，御水鵲鵲暖。
白蘋試問酒旗歌。

板地今朝誰是拗花人。

畫角東城

河轉曙蕭蕭鴉飛睥睨高帆長標

一作標

越甸壁冷挂吳

刀淡菜生寒日魴魚溪白濤水花霑抹額旗鼓夜迎潮

謝秀才有妾縞練改從於人秀才引留之不得

從生感憶座人製詩嘲謝賀復繼四首

誰知泥憶雲望斷梨花春荷絲製機練竹葉剪花裙月
明啼阿姊燈暗會良人也識君夫壻金魚挂在身

銅鏡立青鸞燕脂拂紫綿腮花弄暗粉眼尾淚侵寒碧

玉破不復

一作破
瓜後

瑤琴重撥弦今日非昔日何人敢正

看

洞房思不禁蜂子作花心
灰暖殘香炷髮冷青蟲替夜
遙燈燭短睡熟小屏深
好作鴛鴦夢南城罷擣碁

尋常輕宋玉今日嫁文鴛
戟幹橫龍簇刀環倚桂窗
邀人裁半袖端坐據胡牀
淚溼紅輪重棲烏上井梁

昌谷讀書示巴童

蟲響燈光薄宵寒藥氣濃
君憐垂翅客辛苦尚相從

巴童答

巨鼻宜山褐，龐眉入苦吟。非君唱樂府，誰識怨秋深。

代崔家送客

行盡柳烟下，馬啼白翩翩。恐隨行

一作送

處盡何忍重

一作

復揚鞭

出城

雪下桂花稀，啼鳥被彈歸。關水乘驢影，秦風帽帶垂。入

鄉試萬里

一作誠可重

無印自堪悲。卿卿忍相問，鏡中雙淚

姿

一作垂

莫種樹

園中莫種樹種樹四時愁獨睡南牀一作窗月今秋似去

秋

將發

東牀卷席罷護落將行去秋白遙遙空日滿門前路

追賦畫江潭苑四首

吳苑曉蒼蒼宮衣水濺黃小鬟紅粉薄騎馬珮珠長路
指臺城迴羅薰袴褶香行雲霑翠輦今日似襄王

寶祿菊衣單蕉花密露寒水光蘭澤葉帶重剪刀錢角
暖盤弓易靴長上馬難淚痕霑寢帳勻粉照金鞍

剪翅小鷹斜緇根玉鏃花鞦垂妝鈿粟箭服釘文牙嚙
鸞啼深竹鷓鴣老溼沙宮官燒蠟火飛燼汚鉛華

十騎簇芙蓉宮衣小隊紅練香熏宋鵲尋箭踏盧龍旗
溼金鈴重霜乾玉鐙空今朝畫眉早不待景陽鐘

潞州張大宅病酒遇江使寄上十四兄

秋至昭關後當知趙國寒繫書隨短羽寫恨破長箋病

客眠清曉疎桐墜綠鮮城鴉啼粉堞軍吹壓蘆烟岸幘
褰沙幌枯塘卧折蓮木窗銀跡畫石磴水痕錢旅酒侵
愁肺離歌繞懦弦詩封兩條淚露折一枝蘭莎老沙雞
泣松乾瓦獸殘覺騎燕地馬夢載楚溪船椒桂傾長席
鱸鮓斫玳筵豈能忘舊路江島滯佳年

難忘曲

夾道開洞門弱楊低畫戟簾影竹華

一作葉

起簫聲吹日

色蜂語繞妝鏡拂

一作畫

蛾學春碧亂繫丁香梢滿欄花

向夕

賈公閤貴壻曲

朝衣不須長分花對袍縫嚶嚶白馬來

一作春

滿腦黃金

重今朝香氣苦珊瑚澀難枕且耍弄風人暖蒲沙上飲
燕語踏簾鉤日虹屏中碧潘令在河陽無人死芳色

夜飲朝眠曲

觴酣出座東方高腰橫半解星勞勞柳苑鴉啼公主醉
薄露厭花蕙園

一作蘭

氣玉轉溼絲牽曉水熟

一作熱

粉生

香琅玕紫夜飲朝眠斷無事楚羅之幃卧皇子

王濬墓下作

人間無阿童猶唱水中龍白草侵烟死秋梨遠地紅古

書平黑石袖

一作神

劍斷青銅耕勢魚鱗起墳科

一作斜馬

鬣封菊花垂溼露棘徑卧乾蓬松柏愁香澀南原幾夜

風

客遊

悲滿千里心日暖南山石不謁承明廬老作平原客四

時別家廟三年去鄉國旅歌屢彈鋏歸問時裂帛

崇義里滯雨

落莫誰家子來感長安秋壯年抱羈恨夢泣生白頭瘦
馬秣敗草雨沫飄寒溝南宮古簾暗溼景傳籤壽家山
遠千里雲脚天東頭憂眠枕劍匣客帳夢封侯

馮小憐

灣頭見小憐請上琵琶弦破得春風恨今朝直幾錢裙
垂竹葉帶鬢溼杏花烟玉冷紅絲重齊宮妾駕鞭

贈陳商

汝安有男兒二十心已朽
楞伽堆案前
楚辭繫肘後
人生有窮拙
日暮聊飲酒
祇今道已塞
何必須白首
淒淒陳述聖
披褐鉏耒豆
學為堯舜文
時人責衰偶
柴門車轍凍
日下榆影瘦
黃昏訪我來
苦節青陽皺
太華五千仞
劈地抽森秀
旁古無寸尋
一上戛牛斗
公卿縱不憐
一作寧能鎖吾口
李生師太華
大坐看白晝
蓬霜作樸
樸得氣為春
柳禮節乃相
去顛顚如芻
狗風雪直齋
壇

聖組貫銅綬臣妾氣態間唯欲承箕帚天眼何時開古
勦庸一吼

釣魚詩

秋水釣紅渠仙人待素書菱絲縈獨繭蒲一作米鰲雙

黑斜竹垂清沼長綸貫碧玉虛餌懸春蜥蜴鉤墜小蟾蜍
信子情無限龍陽恨有餘為看烟浦上楚女淚霑裾

奉和二兄罷使遣馬歸延州

三留三尺劍不用一丸泥馬向沙場去人歸故國來笛

愁翻隴水酒喜灑春灰錦帶休驚雁羅衣尚鬪雞還吳
已渺渺入郢莫淒淒自是桃李樹何畏不成蹊

答贈

本是張公子曾名萼綠華沈香薰小像楊柳伴啼鴉露
重金泥冷盃闌玉樹斜琴堂沽酒客新買後園花

題趙生壁

大婦然竹根中婦舂玉屑冬暖拾松枝日烟坐蒙滅木
蘚青桐老石井一作泉水聲發曝背卧東亭桃花滿肌骨

感春

日暖自蕭條花悲北郭騷榆穿萊子眼柳斷舞兒腰上
幕迎神燕飛絲送伯勞胡琴今日恨急語向檀槽

仙人

彈琴石壁上翻翻一仙人手持白鸞尾夜掃南山雲鹿
飲寒澗下魚歸清海濱當時漢武帝書報桃花春

河陽歌

染羅衣秋藍難著色不是無心人為作臺一作印客花

臨

燒中潭

音誕

城顏郎身已老惜許兩少年抽心似春草今

日見銀牌今夜鳴玉讌牛頭高一尺隔坐應相見月從
東方來酒從東方轉觥船飮口紅密炬千枝爛

花遊曲

并序

寒食日諸王妓遊賀入座因採梁簡文詩調賦花
遊曲與妓彈唱

春柳南陌態冷花寒露姿今朝醉城外拂鏡濃掃眉烟
溼愁車重紅油覆畫衣舞裙香不暖酒色上來遲

春晝

朱城報春更漏轉光風催蘭吹小殿草細堪梳柳長如
線卷衣秦帝掃粉趙燕日含畫幕蜂上羅薦平陽花塢
河陽花縣越婦楮機吳蠶作繭菱汀繫帶荷塘倚扇江
南有情塞北無恨

安樂宮

深一作漆

井桐鳥起尚復牽情

一作清

水未盥邵陵瓜餅中

弄長翠新成

一作城

安樂宮宮如鳳皇翅歌迴蠟板鳴左

惓惓提壺使綠繁悲水曲茱萸別秋子

胡蝶飛

一作舞

楊花撲帳春雲熱龜甲屏風醉眼纈東家胡蝶西家飛
白騎少年今日歸

梁公子

風彩出蕭家本是菖蒲花南塘蓮子熟洗馬走江沙
一作御牋銀沫冷長葦鳳窠斜種柳營中暗題書賜館娃

牡丹種曲

蓮枝未長秦蘅老走馬馱金斲春草水灌香泥却月盆
一夜綠房迎白曉美人醉語園中烟晚華已散蝶又闌
梁王老去羅衣在拂袖風吹蜀國弦歸霞帔拖蜀帳昏
媽紅落粉罷承恩檀郎謝女眠何處樓臺月明燕夜語

後園鑿井歌

井上轆轤牀上轉水聲繁弦聲淺情若何荀奉倩城頭
日長向城頭住一日作千年不須流下去

開愁歌

華下作

秋風吹地百草乾
華容碧影生晚寒
我當二十不得意
一心愁謝如枯蘭
衣如飛鵲馬如狗
臨岐擊劍生銅吼
旗亭下馬解秋衣
請買宜陽一壺酒
壺中喚天雲不開
白晝萬里閒淒迷
主人勸我養心骨
莫受俗物相填𧇲

玉篇廣韻俱無𧇲字統載云
按𧇲即𧇲字音灰相擊也

秦宮詩

并序

漢人秦宮將軍梁冀之嬖奴也秦宮得寵內舍故
以驕名大譟於人子撫舊而作長辭以馮子都之

事相為對望又云昔有之詩

越羅衫袂

一作夾衫

迎春風玉刻麒麟腰帶紅樓頭曲宴仙

人語帳底吹笙香霧濃人間

一作間

酒暖春茫茫花枝入

簾白日長飛窗複道傳籌

一作頭

飲十夜銅盤

一作半夜朦朧

膩

燭黃禿衿小袖調鸚鵡紫繡麻靴踏哮

同虎

斫桂燒金

待曉筵白鹿青蘇

一作清酥

夜半煮桐英永巷騎新

一作主

馬

內屋深

一作珍

屏生色畫開門爛用水衡錢卷起黃河向

身瀉皇天厄運猶曾裂秦宮一生花底

一作裏

活鸞篋奪

得不還人醉睡甍滿堂月

古鄴城童子謠效王粲刺曹操

鄴城中暮塵起將

一作探

黑丸斫文吏棘為鞭虎為馬團

團走鄴城下切玉劍射日弓獻何人奉相公扶轂來關
右兒香掃塗相公歸

楊生青花紫石硯歌

端州石工巧如神踏天磨刀割紫雲傭剝抱水含滿脣
暗灑萇弘冷血痕紗帷晝暖墨花春輕漚漂沫松麝薰

乾膩薄重立脚勻數寸光秋無日昏圓毫促點聲靜新

孔硯寬頑

一作碩

何足云

房中思

新桂如蛾眉秋風吹小綠行輪出門去玉鑾聲斷續月
軒下風露曉庭自幽澀誰能事貞素卧聽莎雞泣

石城曉

月落大隄上女垣棲鳥起細露溼團紅寒香解夜醉女

牛

一作石子

渡天河柳烟滿城曲上客留斷纓殘蛾聞雙綠

春帳依微蟬翼羅橫茵突金隱體花帳前輕絮鶴

一作驚

毛起欲說春心無所似

苦晝短

飛光飛光勸爾一杯酒吾不識青天高黃地厚唯見月

寒日暖來煎人壽食飽則肥食蛙則瘦神君何在太一

安有天東有若木下置銜燭龍吾將斬龍足嚼龍肉使

之朝不得迴夜不得伏自然老者不死少者不哭何為

服

一作餌

黃金吞白玉誰似

一作是

任公子雲中騎碧

一作白

驢劉徹茂陵多滯骨羸政梓棺費鮑魚

章和二年中

雲蕭索田

一本無田字

風拂拂麥芒如簣黍如粟關中父老

百領襦關東吏人之詬租健犢春耕土膏黑芑蒲叢叢

沿水脈殷勤為我下田租百錢携償

一作賞

絲桐客遊春

漫光塢花白野林散香神降席拜神得壽獻天子七星

貫斷姮娥死

春歸昌谷

束髮方讀書謀身苦不早終軍未乘傳顏子鬢先老天
網信崇大矯士常慙慙逸目駢甘華羈心如蒼蓼旱雲
二三月岑岫相顛倒誰揭賴玉盤東方發紅照春熱張
鶴蓋兔目官槐小思焦面如病嘗膽腸似絞京國心爛
漫夜夢歸家少發軔東門外天地皆浩浩青樹驪山頭
花風滿秦道宮臺光錯落裝盡一作畫偏一作編峰嶠細綠
及團紅當路雜啼笑香風下高廣鞍馬正華耀獨乘雞
棲車自覺少風調心曲語形影祇身焉足樂豈能脫負

擔刻鶴一作鵠

曾無兆幽幽太華側老柏如建叢龍皮相

排憂翠羽更蕩掉驅趨委懣悴眺覽強容貌花蔓闕行
轉穀烟暝深微少健無所就入門愧家老聽講依大樹
觀書臨曲沼知非出桺虎甘作藏霧豹韓鳥處繒繳湘
儵在籠罩狹行無廓落壯士徒輕躁

昌谷詩

五月二十七日作

昌谷五月稻細青滿平

一作草平秋

水遙巒相壓疊頽綠愁

墮地光潔無秋思

一作絲

涼曠吹浮媚竹香滿淒寂粉節

塗生翠草髮垂恨鬢光露泣幽淚層圍爛洞曲芳徑老
紅醉攢蟲鏤古柳蟬子鳴高邃大帶委黃葛紫蒲交狹
涖石錢差復藉厚葉皆蟠膩汰沙好平白立馬印青字

晚鱗自遶遊瘦鵠暝單跼嘹嘹溼蛄聲咽源驚濺起紆

緩玉真路

自註近武
后巡幸路

神娥蕙花裏苔絮縈澗礫山實垂

頽紫小柏儼重扇肥松突丹髓鳴流走響韻瓏秋拖光

穉鶯唱閨女歌瀑懸楚練帔風露滿笑眼駢巖雜舒墜

亂條

一作
篠

迸石嶺細頸喧鳥誌日脚埽昏翳新雲啓華

閼謚謚厭夏光商風道清氣高眠服

一作復

玉容燒桂祀

天几

谷與女山嶺坂相承山即蘭香神女上天處也遺几在焉

霧衣夜披拂眠壇夢

真粹待駕棲鸞老故宮椒壁圯

福昌宮在谷之東

鴻瓏數鈴響

羈臣發涼思陰藤束朱鍵龍帳著魑魅碧錦帖花檉香

衾事殘貴歌塵蠹木在舞綵長雲似珍

一作玲

壤割繡段

里俗祖風義鄰凶不相杵疫病無邪祀鮎皮識仁惠卬

角知覲恥縣省司刑官戶之詬租吏竹藪添墮簡石磯

引鉤餌溪灣轉水帶芭蕉傾蜀紙岑光晃穀襟孤景拂

繁事泉尊陶宰酒月眉謝郎妓丁丁幽鐘遠矯矯單飛
至霞巘殷差我危溜聲爭次淡蛾流平碧薄月眇陰悴
涼光入澗岸廊盡山中意漁童下宵網霜禽竦烟翅潭
鏡滑蛟涎浮珠噉魚戲風桐一作松瑶匣瑟螢星錦城使
柳綴長縹帶篴掉短笛吹石根緣綠蘚蘆筍抽丹漬漂
旋弄天影古檜擎雲臂愁月微帳紅罨雲香蔓刺芒麥
平百井閒乘列千肆刺促成紀人好學鴟夷子

銅駝悲

落魄三月罷尋花去東家誰作送春曲洛岸悲銅駝橋
南多馬客北山饒古人客飲盃中酒駝悲千萬春生世
莫徒勞風吹盤上燭厭見桃株笑銅駝夜來哭

自昌谷到洛後門

九月大野白蒼岑竦秋門寒涼十

一作交

月末露

一作雪

霰

濛曉昏澹色結晝天心事填空雲道上千里風野竹蛇

涎痕石澗凍

一作東

波聲雞叫清寒晨強行到東

一作都

舍

解馬投舊鄰東家名廖者鄉曲傳姓辛杖頭非飲酒吾

請造其人始欲南去楚又將西適秦襄王與武帝各自
留青春聞道蘭臺上宋玉無歸魂綳繆兩行字蟄蟲蠹
秋云為探秦臺意豈命余負薪

七月一日曉入太行山


一夕遶山秋香露溼蒙萊新橋倚雲阪候蟲嘶露樸洛
南一作陽今已遠越衾誰為熟石氣何淒淒老莎如短鋸

秋涼詩寄正字十二兄

閉門感秋風幽姿任契濶大野生素空天地曠肅殺露

光一作光露泣殘蕙蟲響連夜發房寒寸輝薄迎風絳紗折

披書古豆云馥恨唱華容歇百日不相知花光變涼節弟
兄誰念慮賤翰既通達青袍度白馬草簡奏東闕夢中
相聚笑覺見半牀月長思劇尋環亂憂抵覃葛



御定全唐詩卷三九十二

欽定四庫全書

集部

御定全唐詩卷三百九十三至九

詳校官庶吉士_臣胡鉦

主事銜_臣徐以坤覆勘

總校官知縣_臣繆琪

校對官學正_臣李巖

謄錄監生_臣李維翰

欽定四庫全書

御定全唐詩卷三百九十三

李賀

父如張

錦襜褕繡襦強飲豚脯雞隴東卧穠滿風雨莫信

一作龍

一作龍

媒隴西去齊人織網如素空張在野田

一作

春平碧中網絲漠漠無形影誤爾觸之傷首紅艾葉綠
花誰剪刻中藏禍機不可測

上雲樂

飛香走紅滿天春花龍盤盤上紫雲三千宮

一作綵

女列

金屋五十絃瑟海上聞天江

一作河

碎碎銀沙路羸女機

中斷烟素斷烟素縫衣縷

一作舞衣

八月一日君前舞

摩多樓

一作樓子

玉塞去金人二萬四千里風吹沙作雲一時渡遼水天

白水如練甲絲雙串斷行行莫苦辛城月猶殘半曉氣

朔烟上趑趑胡馬蹄行人臨水別隔隴

一作隴水

長東西

猛虎行 四言

長戈莫奮長弩莫揮
乳孫哺子教得生獍
舉頭為城掉尾為旌
東海黃公愁見夜行道
逢騶虞牛哀不平何用
尺刀壁上雷鳴泰山之下
婦人哭聲官家有程吏不敢
聽

日出行

白日下崑崙發光如舒絲
徒照葵藿心不照遊子悲
折黃河曲日從中央轉
暘谷耳曾聞若木眼不見
奈爾

一作鑠石胡為銷人昇彎弓屬矢那不中足令一本有

翔四久一作不得奔詎教晨光夕昏

苦篁調嘯引

請說軒轅在時事伶倫採竹二十四伶倫採之自崑丘

一作一作軒轅詔遣中分作十二伶倫以之正音律軒轅以

之調元氣當時黃帝上天時二十三管咸相隨唯留一

管人間吹無德不能得此管此管沈埋虞舜祠

拂舞歌辭

吳娥聲絕天空雲閒
裴回門外滿車馬
亦須生綠苔
尊有烏程酒
勸君千萬壽
金勝漢武錦樓上
曉望晴寒作
空飲花露
東方日不破
天光無老時
丹成作蛇乘白霧
千年重化玉
井上從蛇作土
一一作千載
吳堤綠草年
年在背有八卦稱神仙
邪鱗頑甲滑腥涎

夜坐吟

踏踏馬蹄誰見過
眼看北斗直天河
西風羅幕生翠波
鉛華笑妾顰青蛾
為君起唱一作舞
長相思
簾外嚴霜皆

倒飛明星爛爛東方陸紅霞梢出東南涯陸郎去矣乘
班駟

瑩篴引

又曰公
無渡河

公乎公乎提壺將馬如屈平沈湘不足慕徐衍入海誠
為愚公乎公乎牀有管席盤有魚北里有賢兄東隣有
小姑隴畝油油黍與葫一作禾瓦甌濁醪蟻浮浮黍可食
醪可飲公乎公乎其奈居被髮奔流竟何如賢兄小姑
哭鳴鳴

巫山高

碧叢叢高

一作齊插一作撐

天大江翻瀾神曳烟楚魂尋夢

風颺

一作風

然曉風飛雨生苔錢瑤姬一去一千年丁香

筇竹啼老猿古祠近月蟾桂寒椒花墜紅溼雲間

一作端

平城下

飢寒平城下夜夜守明月別劍無玉花海風斷鬢髮塞
長連白空遙見漢旗紅青帳吹短笛烟霧溼畫龍日晚
在城上依稀望城下風吹枯蓬起城中嘶瘦馬借問築

城吏去關幾千里惟愁裹屍歸不惜倒戈死

江南弄

江中綠霧起涼波天上疊巘紅嵯峨水風浦雲生老竹
渚暝蒲帆如一幅鱸魚千頭酒百斛酒中倒卧南山綠
吳歛越吟未終曲江上團團帖寒玉

， 榮華樂

一作東洛
梁家語

鳶肩公子二十餘齒編貝脣激朱氣如虹霓飲如建瓴
走馬夜歸叫嚴更徑穿複道遊椒房龍裘金玦雜花光

玉堂調笑金樓子臺下戲學邯鄲倡口吟舌話稱女郎
錦祛繡面漢帝旁得明珠十斛白壁一雙新詔垂金曳
紫光煌煌馬如飛人如水九卿六官皆望履將廻日月
先反掌欲作江河唯畫地我我虎冠上切雲竦劍晨趨
凌紫氛繡鞍千尋貽足隸黃金百鎰貺家臣十二門前
張大宅晴春烟起連天碧金鋪綴日雜紅光銅龍鑿環
似爭力瑤姬凝醉卧芳席海素籠窗空下隔丹穴取鳳
充行庖矍矍如拳那足食金蟾呀呀蘭燭香軍裝武妓

聲琅璫誰知花雨夜來過但見池臺春草長嘈嘈絃吹
匝天開洪厓簫聲遠天來天長一矢貫雙虎雲弋絕騁
聒旱雷亂袖交竿管兒舞吳音綠鳥學言語能教刻石
平紫金解送刻毛寄新兎三皇皇一本少一皇字后七貴人五
十校尉二將軍當時飛去逐彩雲化作今日京華春

相勸酒

羲和騁六轡晝夕不曾閒彈烏崦嵎竹一作石扶馬蟠桃
鞭蓐收既斷翠柳青帝又造紅蘭堯舜至今萬萬歲數

予將為傾蓋間青錢白璧買無端丈夫快意方為歡
臞鱗熊何足云會須鍾飲北海箕踞南山歌淫淫管
情橫波好送雕題金人生得意且如此何用強知元
化心相勸酒終無輟伏願陛下鴻名終不歇子孫綿
如石上葛來長安車駢駢中有梁冀舊宅石崇故園

瑤華樂

穆天子走龍媒八轡冬瓏逐天迴五精掃地凝雲開
高門左右日月環四方錯鏤稜層殷舞霞垂尾長盤
珊江

澄海淨神母顏施紅點翠照虞泉曳雲拖玉下崑山列
旆如松張蓋如輪金風殿一作斂秋清明發春八鑿十乘
蠹如雲屯瓊鍾瑤席甘露文玄霜絳雪何足云薰梅染
柳將贈君鉛華之水洗君骨與君相對作真質

北中寒

一方黑照三方紫黃河水合魚龍死三尺木皮斷文理
百石強車上河水霜花草上大如錢揮刀不入迷濛天
爭一作淨澗海水飛凌喧山瀑無聲玉虹懸

梁臺古愁

一作意

梁王臺沼空中立，天河之水夜飛入。
臺前鬪玉作蛟龍，綠粉掃天愁露濕。
撞鐘飲酒行射天，金虎威裊噴血斑。
朝朝暮暮愁海翻，長繩繫日樂當年。
芙蓉凝紅得秋色，蘭臉別春啼脈脈。
蘆洲客雁報春來，寥落野篁秋漫白。

公無出門

天迷迷地密密，熊虺食人魂。
雪霜斷

一作風破

人骨，嗾犬狺

狺相索索，舐掌偏宜佩。
蘭客帝遣乘軒災，自息玉星點。

劍黃金軛我雖跨馬不得還歷陽湖波大如山毒虬相
視振金環狡獬獬猊吐吮鮑焦一世披草眠顏回甘
九鬢毛斑顏回非血衰鮑焦不違天天畏遭銜齧所以
致之然分明猶懼公不信公看呵壁書問天

神絃別曲

巫山

一作陽

小女隔雲別春風松花

一作松花春風

山上發綠蓋

獨穿香徑歸白馬花竿前了了蜀江風澹水如羅墮蘭
誰泛相經過南山桂樹為君死雲衫淺污紅脂花

綠水詞

今宵好風月阿侯在何處為有傾人色

一作城人

翻成足愁

苦東湖採蓮葉南湖拔

一作折

蒲根

一作草

未持寄小姑且

持感愁魂

一作秋風

沙路曲

柳臉

一作陰

半眠丞相樹珮馬釘鈴踏沙路斷燼遺香裏

翠烟燭

一作獨

騎啼

一作蹄

鳥鳴

一作

上天去帝家玉龍開九

關帝前動

一作簪

笏移南山獨垂重印押干官金窠

一作科

篆字紅屈盤沙路歸來聞好語旱火不光天下雨

上之回

上之回大旗喜懸紅雲撻鳳尾劍匣破舞蛟龍蚩尤死
鼓逢逢天高慶雷齊墜地地無驚烟海千里

高軒過

韓員外愈皇甫侍御
湜見過因而命作

華裾織翠青如葱金環壓轡搖玲瓏

一作冬

隴馬蹄隱耳一作

隱聲隆隆入門下馬氣如虹云是

一本無云是二字

東京才子

文章鉅

一本無鉅字

公二十八宿羅心胸九精照耀

一作元精耿耿

貫當中殿前作賦聲摩空筆補造化天無功龐眉書客
感秋蓬誰知死草生華風我今垂翅附冥鴻他日不羞
蛇作龍

貝宮夫人

丁丁海女弄金環

一作錢

雀釵翹揭雙翅關六宮不語一

生閒高懸銀榜照青山長眉凝綠幾千年清涼堪老鏡
中鸞秋肌稍覺玉衣寒空光帖妥水如天

蘭香神女廟

三月
中作

古春年年在閒綠搖暖雲松香飛晚華柳渚含日昏沙
砌落紅滿石泉生水芹幽篁畫新粉蛾絲橫曉門弱蕙
不勝露山秀愁空春舞珮剪鸞翼帳帶塗輕銀蘭桂吹
濃香菱藕長葦葦看雨逢瑤姬乘船值江君吹簫飲酒
醉結綬金絲裙走天呵白鹿遊水鞭錦鱗密髮虛鬟飛
賦頰一作靨凝花勻團鬢分蛛巢穠眉籠小脣弄蝶和輕
妍風光怯腰身深幃金鴨冷奩鏡幽鳳塵踏霧乘風歸
撼玉山上聞

送韋仁實兄弟入關

送客飲別酒，千觴無緒顏。
何物最傷心，馬首鳴金鐙。
野色浩無主，秋明空曠間。
坐來壯膽破，斷目不能看。
行槐引西道，青梢長攢攢。
韋郎好兄弟，疊玉生文翰。
我在山上舍，一畝萬硤田。
夜雨叫租吏，春聲暗交_{一作聞}關。
誰解念勞勞，_{一作告}蒼突唯南山。

洛陽城外別皇甫湜

洛陽吹別風，龍門起斷烟。
冬樹東生澀，晚紫凝華天。
單

身野霜上疲馬飛蓬間凭軒一雙淚奉墜綠衣前

溪晚涼

白狐向月號山風秋寒掃雲留碧空玉烟青溼白如幢
銀灣曉轉流天東溪汀眠鷺夢征鴻輕漣不語細游溶
層岫迴岑複疊龍苦篁對客吟歌筒

官不來題皇甫湜先輩廳

官不來官庭秋老桐錯幹青龍愁書司曹佐走如牛疊
聲問佐官來不官不來門幽幽

長平箭頭歌

漆灰骨末丹水沙淒淒古血生銅花白翎金箭雨中盡

直餘三脊

一作徑寸

殘狼牙我尋平原乘兩馬驛東石田蒿

塢下風長日短星蕭蕭黑旗雲溼懸空夜左魂右魄啼

肌瘦酪瓶倒盡將羊炙蟲棲雁病蘆筍紅迴風送客吹

陰火訪古沈瀾收斷鏃折鋒赤墾曾剗肉南陌東城馬

上兒勸我將金換簫竹

江樓曲

樓前流水江陵道。鯉魚風起芙蓉老。曉釵催一作擁鬢語。

南風抽帆歸來一日功。鼉吟浦口飛梅雨。竿頭酒旗換。

青苧蕭騷浪白雲。差池

一作參差

黃粉油衫寄郎主。新槽酒。

聲苦無力南湖一頃菱花白。眼前便有千里愁。小玉開屏見山色。

塞下曲

樂府詩作三首

胡角引北風。薊門白於水。天含青海道。城頭月千里。露下旗濛濛。寒金鳴夜刻。蕃甲鏖蛇鱗。馬嘶青塚白。秋靜

見旌頭沙遠席羈一作愁帳北天應盡河聲出塞流

染絲上春機

玉罌泣

一作

水桐花并舊絲沈水如雲影美人嬾態燕

脂愁春梭拋擲鳴高樓綵線結茸背複疊白袷玉郎寄

桃葉為君挑鸞作腰綬願君處處宜春酒

一作雪

五粒小松歌

并序

前謝秀才杜雲卿命予作五粒小松歌予以選書
多事不治曲辭經十日聊道八句以當命意

蛇子蛇孫鱗蛇蛇新香幾粒洪厓飯綠波浸葉滿濃光
細束龍髯鉸刀剪主人壁上鋪州圖主人堂前多俗儒
月明白露秋淚滴

一作露泣
懸秋淚

石筍溪雲肯寄書

塘上行

藕花涼露溼花缺藕根溼飛下雌一作雄鴛鴦塘水聲溼
溼

呂將軍歌

呂將軍騎赤兔獨携大膽出秦門金粟堆邊哭陵樹北

方逆氣汗青天劍龍夜叫將軍閑將軍振袖揮劍鏑玉

闕朱城有門閣榼榼銀龜搖白馬傳粉女郎火一作旗

下恒山鐵騎請金槍遙聞箴中花箭香西郊寒蓬葉如

刺皇天新一作親栽養神驥廢中高桁排一作挑蹇蹄飽食

青芻飲白水圓蒼低迷蓋張地九州人事皆如此赤山

秀鋌禦時英綠眼將軍會天意

休洗紅

休洗紅洗多紅色淺卿卿騁少年昨日殷橋見封侯早

歸來莫作弦上箭

神弦曲

西山日沒東山昏旋風吹馬馬踏雲畫弦素管聲淺繁
花裙綵繚步秋塵桂葉刷風桂墜子青狸哭血寒狐死
古壁彩虬金帖尾雨工騎入秋一作夜潭水百年老鴉
成木魅笑聲碧火巢中起

野歌

鷗翎羽箭山桑弓仰天射落銜蘆鴻麻衣黑肥衝北風

帶酒日晚歌田中男兒屈窮心不窮枯榮不等嗔天公
寒風入變為春柳條條看即烟濛濛

神弦

女巫澆酒雲滿空玉爐炭火香
瑟瑟海神

一作寒雲

山鬼來

座中紙錢窻窻鳴颼風相思木帖金舞鸞攢蛾一
一彈呼星召鬼歆杯盤山魃食時人森寒終南日
色低
平灣神兮長在有無間神嗔神喜師更顏送神萬
騎還
青山

將進酒

琉璃鍾琥珀濃小槽酒滴真珠紅烹龍炮鳳玉脂泣羅

屏

一作幃

繡幕圍香

一作春

風吹龍笛數鼙鼓皓齒歌細腰

舞況是青春日將暮桃花亂落如紅雨勸君終日酩酊

醉

一作歸

酒不到劉伶墳上土

美人梳頭歌

西施曉夢綃帳寒香鬟墮髻半沈檀輓轡吁啞轉鳴玉
驚起芙蓉睡新足雙鸞開鏡秋水光解鬟臨鏡立象牀

一編香絲雲撒地玉釵落處無聲膩纖手却盤老鴝色
翠滑寶釵簪不得春風爛漫慙嬌慵十八鬟多無氣力
妝成髮髻歎不斜雲裾數步踏雁沙背人不語向何處
下堦自折櫻桃花

月漉漉篇

月漉漉波烟

一作烟

玉莎青桂花繁芙蓉別江木粉態挾

羅寒雁羽鋪烟溼誰能看石帆乘船鏡中入秋白鮮紅
死水香蓮子齊挽菱隔歌袖綠刺眉銀泥

京城

驅馬出門意牢落長安心兩事誰向道自作秋風吟

官街鼓

曉聲隆隆催轉日暮聲隆隆呼月出漢城黃柳映新簾
柏陵飛燕埋香骨一作碎發一作千年日長白孝武秦王一作

皇聽不得從君翠髮蘆花色獨共南山守中國幾迴天
上葬神仙漏聲相將無斷緣一作續又作絕

許公子鄭姬歌

鄭園中
請賀作

許史世家外親貴宮錦千端買沈醉銅駝酒熟烘明膠
古堤大柳烟中翠桂開客花名鄭袖入洛聞香鼎門口
先將芍藥獻粧臺後解黃金大如斗莫愁簾中許合歡
清絃五十為君彈彈聲咽春弄君骨骨興牽人馬上鞍
兩馬八蹄踏蘭苑情如合竹誰能見夜光玉枕栖鳳皇
袷羅當門刺純綫長翻蜀紙卷明君轉角含商破碧雲
自從小靨來東道曲裏長眉少見人相如塚上生秋柏
三秦誰是言情客蛾鬟醉眼拜諸宗為謁皇孫請曹植

新夏歌

曉木千籠真蠟綵落

一作蕊 一作蒂

枯香數分在陰枝秀

一作拳

牙卷縹茸長風迴氣扶葱龍野家麥畦上新隴長

畛裊回桑柘重刺香滿地菖蒲草雨梁燕語悲身老三

月搖揚入河道天濃地濃

一作穠

柳梳掃

題歸夢

長安風雨夜書客夢昌谷怡怡中堂笑小弟栽澗菜家
門厚重意望我飽飢腹勞勞一寸心燈花照魚目

經沙苑

野水泛長瀾宮牙開小菑無人柳自春
草渚鴛鴦暖晴嘶卧沙馬老去悲啼展
今春還不歸塞嚶折翅雁

出城別張又新酬李漢

李子別上國南山崆峒春不聞今夕鼓
差慰煎情人趙壹賦命薄馬卿家業貧
鄉書何所報紫蕨生石雲長安玉桂國
戟帶披侯門慘陰地自光寶馬踏曉昏
臘春戲草苑玉輓鳴輶轡綠網縋金鈴
霞卷清池滙開貫瀉蚨

母買冰防夏蠅時宜裂大袂

一作被

劍客車盤茵小人如

死灰心切生秋榛皇圖跨四海百姓拖

一作施

長紳光明

靄不發腰纏徒甃銀吾將譟禮樂聲調摩清新欲使十

千歲帝道如飛神華實自蒼老流采

一作來

長傾湓沒沒

暗齧舌涕血不敢論今將下東道祭酒而別秦六郡無

勦兒長刀誰拭塵地理陽無正快馬逐服轅二子美年

少調道講

一作講道調

清渾譏笑斷冬夜家庭疎篠穿曙風

起四方秋月當東懸賦詩面投擲悲哉不遇人此別定

霑臆越布先裁巾

御定全唐詩卷三百九十三

欽定四庫全書

御定全唐詩卷三百九十四

李賀

南園

方領蕙帶折角巾杜若已老蘭苔春南山削秀藍玉合

小雨歸去飛涼雲熟杏暖香梨葉老草梢一作蒲竹柵鎖

池痕一作滑鄭公鄉老開酒尊坐汎楚奏一作酒吟招魂

假龍吟歌

石軋銅杯吟詠枯瘁蒼鷹

一作鸞

擺血白鳳下肺桂子自

落雲弄車蓋木死沙崩惡谿島阿母得仙今不老窗中

跳汰截清涎隈孺卧水埋金爪崖蹬蒼苔

一作蒼

弔石髮

江君掩帳篋簪折蓮花去國一千年雨後聞腥猶帶鐵

感諷六首

人間春蕩蕩帳暖香揚揚飛花染幽紅誇嬌來洞房舞
席泥金蛇桐竹羅花牀眼逐春暝醉粉隨淚色黃王子
下馬來曲沼鳴鴛鴦馬知腸車轉一夕巡九方

苦風吹朔寒沙驚秦木折舞影逐空天
畫鼓餘清節蜀書秋信斷黑水朝波咽
嬌魂從迴風死處懸鄉月

雜雜胡馬塵森森邊士戟天教胡馬戰
曉雲皆血色婦人携漢卒箭箠囊巾幘
不慙金印重踉蹌腰鞬力恂恂鄉門老
昨夜試鋒鏑走馬遣書勲誰能分粉墨

青門

一作烏又作馬

放彈去馬色連空郊何年帝家物玉裝鞍

上搖去去走犬歸來來坐烹羔千金不了饌

格一作肉

稱盤臊試問誰家子乃老

一作云

能佩刀西山白蓋下賢

鴛寒蕭蕭

曉菊泣

一作泣

寒露似悲團扇風秋涼經漢殿班子泣哀

紅本無辭輦意豈見入空宮腰褊珮珠斷灰蝶生陰松

蝶

一作蜂

飛紅粉臺柳掃吹笙道十日懸戶庭九秋無衰

一作素

草調歌送風轉杯池白魚小水宴截香腴菱科映

青罩芊蒙

一作草

梨花滿春昏弄長嘯

一作笑

唯愁苦花落

不悟世衰到撫舊唯銷

一作傷

魂南山坐悲峭

一作嘯

莫愁曲

草生龍坡下鷄噪城堞頭何人此城裏城角栽石榴青
絲繫五馬黃金絡雙牛白魚駕蓮船夜作十里遊歸來
無人識暗上沈香樓羅牀倚瑤瑟殘月傾簾鉤今日槿
花落明朝桐樹秋莫一作若負平生意何名何一作作莫愁
夜來樂

紅羅複帳金流

一作塗

蘇華燈九枝懸鯉魚麗人映月開

銅鋪春水滴酒猩猩沽

一本有價字

重一簾香十株赤金瓜

子魚雜麩五絲封青鳧

一作五色絲封青鳧一作五色絲封青玉鳧

阿侯此

笑千萬餘南軒漢轉簾影疎桐林啞啞挾子烏劍崖鞭
節青石珠白駒吹湍凝霜鬚漏長送珮承明一作廬倡
樓嵯峨明月孤新客下馬故客去綠蟬秀黛重拂梳

嘲雪

昨日發葱嶺今朝下蘭渚喜從千里來亂笑含春語一作
雨龍沙溼漢旗鳳扇迎秦素久別遼城鶴毛衣已應故

春懷引

芳蹊密影成花洞柳結濃烟花

一作陰香

帶重蟾蜍碾玉挂

一作明弓捍撥裝金打仙鳳寶枕垂雲選春夢細合碧
寒龍腦凍阿侯繫錦寬周郎憑仗東風好相送

白虎行

火烏日暗崩騰雲秦皇虎視蒼生羣燒書滅國無暇日
鑄劍佩玦惟一作呼將軍玉壇設醮思冲天一世二世當

萬年燒丹未得不死藥擎舟海上尋神仙鯨魚張鬣海

波沸耕人半作征人鬼雄豪氣猛如燄烟

一作猛燄
烈燒空

無

人為決天河水誰最苦兮誰最苦報人義士深相許漸

離擊筑荆卿歌荆卿把酒燕丹語劍如霜分膽一作腸如

鐵出燕城分望秦月天授秦封祚未移一作終袞龍衣點

荆卿血朱旗卓地白虎死漢王一作知却是真天乎

有所思

去年陌上歌離曲今日君書遠遊蜀簾外花開二月風
臺前淚滴千行竹琴心與妾腸此夜斷還續想君白馬
懸雕弓世間何處無春風君心未肯鎮如石妾願不久
如花紅夜殘高碧橫長河河上無梁空白波西風未起

悲龍梭年年織素攢雙蛾江山迢遞無休絕淚眼看燈
乍明滅自從孤館深鎖窗桂花幾度圓還缺鷓鴣向曉
鳴森木風過池塘響叢玉白日蕭條夢不成橋南更問
仙人卜

啁少年

青驄馬肥金鞍光龍腦入縷羅衫香美人狹坐飛瓊觴
貧人喚云天上郎別起高樓臨碧篠綠曳紅綾出深沼
有時半醉百花前背把金丸落飛鳥自說生來未為客

一身美妾過三百豈知斲地種苗

一作田

家官稅頻催勿

一作沒人織長得

一作金

積玉誇豪毅每揖閒人多意氣生

來不讀半行書只把黃金買身貴少年安得長少年海

波尚變為桑田榮枯遞傳

一作轉

急如箭天公不

一作豈

肯

於公偏莫道韶華鎮長在髮白面皺專相待

高平縣東私路

侵侵榭葉香木花滯寒雨今夕山上秋永謝無人處石

礫遠荒澀棠實懸辛苦古者

一作道

定幽尋呼君作私路

神仙曲

碧峰海面藏靈書上帝揀作神仙居清明

一作晴時

笑語聞

空虛聞乘巨浪騎鯨魚春羅書字邀王母共譙紅樓最
深處鶴羽衝風過海遲不如却使青龍去猶疑王母不
相許垂露

一作霧

娃鬟更傳語

龍夜吟

鬟髮胡兒眼睛綠高樓夜靜吹橫竹一聲似向天上來
月下美人望鄉哭直排七點星藏指暗合清風調宮徵

蜀道秋深雲滿林
湘江半夜龍驚起
玉堂美人邊塞情
碧窗皓月愁中聽
寒砧能擣百尺練
粉淚凝珠滴紅線
胡兒莫作隴頭吟
隔窗暗結愁人心

崑崙使者

崑崙使者無消息
茂陵烟樹生愁色
金盤玉露自淋漓
元氣茫茫收不得
麒麟背上石文裂
虬龍鱗下紅枝折
何處偏傷萬國心
中天夜久高明月

漢唐姬飲酒歌

御服沾霜露天衢長綦棘金隱秋塵安無人為帶飾玉

堂歌聲寢芳林烟樹隔雲陽臺上歌鬼哭復何益鐵劍

常

一本缺此字

光光至亮威屢逼

一作伏劍明秋

彊梟噬母

心犇厲索人魄相看兩相泣淚下如波激寧用清酒為

欲作黃泉客

一作隔

不說玉山頽且無飲中色勉從天帝

訴天上寡沈厄無處張總帷如何望松柏妾身晝團團

君魂夜寂寂蛾眉自覺長頸粉誰憐白矜持昭陽意不

甯看

一作即

南陌

聽穎師琴歌

別浦雲歸桂花渚蜀國絃中雙鳳語芙蓉葉落秋鸞離
越王夜起遊天姥暗珮清臣敲水玉渡海蛾眉牽一作乘

白鹿誰看挾劍赴長橋誰看浸髮題春竹竺僧前立當
吾門梵宮真相眉稜尊古琴大軫長八尺嶧陽老樹非
桐孫涼館聞絃驚病客藥囊暫別龍鬚席請歌直一作當
請卿相歌奉禮官卑復何益

謠俗

上林胡蝶小試伴漢家君

一作春

飛向南城去誤落石榴

裙脈脈花滿樹翩翩燕遶雲出門不識路羞問陌頭人

靜女春曙曲

嫩葉憐芳抱新蕊泣露枝枝滴天淚粉窗香咽積曉雲
錦堆花密藏春睡戀屏孔雀搖金尾鶯舌分明呼婢子
冰洞寒龍半匣水一隻商鸞逐烟起

少年樂

芳草落花如錦地二十長遊醉鄉裏紅纓不動白馬驕

垂柳金絲香拂水吳娥未笑花不開
綠鬢聳墮蘭雲起
陸郎倚醉牽羅袂奪得寶釵金翡翠

句

不見山巔樹摧机下為薪日睹井中泥
上出作埃塵

篋

謠一作豈甘井中泥時至出作塵

情知一丘趣不謝千里印
倚劍

登高臺悠悠送春目

以上並見海錄碎事

御定全唐詩卷三百九十四